



ЈП „Радио Брчко“ д.о.о.  
Брчко дистрикт БиХ

---

JP „Radio Brčko“ d.o.o.  
Brčko distrikt BiH

**JAVNO PREDUZEĆE „RADIO BRČKO“ D.O.O.  
BRČKO DISTRIKT BiH**

**IZVJEŠTAJ O RADU ZA 2017. GODINU**

**BRČKO DISTRIKT BiH  
Mart, 2018. godine**

## U v o d

Javno preduzeće „Radio Brčko“ d.o.o. Brčko distrikt BiH“ je u 2017. godini uspjelo izmiriti sve dospjele obaveze, čime je omogućeno redovno poslovanje preduzeća, imajući u vidu da je ukupno dodijeljeni grant iz budžeta Brčko distrikta iznosio **555.000,00** KM.

Uspjeli smo da većinu nedostataka u poslovanju, navedenih po Revizorskom izvještaju za 2016. godinu, otklonimo, a u toku su aktivnosti na otklanjanju manjeg broja nedostataka po Prerevizorskom izvještaju za 2017. godinu.

Redovno se isplaćuju plate zaposlenim radnicima, a od mjeseca avgusta isplata plata je u punom iznosu što nije bio slučaj u zadnjih 17 godina.

Nastavićemo da savjesnim poslovanjem, dobro započeto poslovanje u ovoj godini, nastavimo.

U nastavku ovog izvještaja ćemo vas detaljnije informisati o svim segmentima rada JP „Radio Brčko“ d.o.o. u 2017. godini.

## **IZVJEŠTAJ O REALIZACIJI INFORMATIVNO-POLITIČKIH PROGRAMSKIH SADRŽAJA U 2017. GODINI**

Redakcija informativno-političkog programa u 2017. godini realizovala je ukupno oko 60.000 minuta informativnog programa. Od toga, na emisije „Vijesti“ potrošeno je oko 9.200 minuta, „Dnevnik“ je u 2017. godini trajao oko 11.400 minuta, na produkciju priloga u kolažnom programu „Otvoreno“, odnosno „Ljetna frekvencija“, potrošeno je oko 19.200 minuta, dok je za realizaciju ostalih emisija izdvojeno oko 19.600 minuta.

U dnevnom programu „Radio Brčkog“ u 2017. godini realizovano je ukupno pet (5) emisija „Vijesti“ dnevno, svaka u trajanju oko pet (5) minuta. Centralno - informativna emisija „Dnevnik“, koja se emituje svakog radnog dana, ima prosječno trajanje oko 30 minuta.

U programskoj šemi radija svakog dana su realizovane po dvije specijalizovane informativne emisije, svaka u trajanju do 30 minuta. Jedan od najslušanijih informativnih sadržaja u programu radija svakako je kolažni sadržaj pod nazivom „Otvoreno“, odnosno u ljetnoj programskoj šemi „Ljetna frekvencija“. U tom sadržaju svakodnevno se do slušalaca dostavlja u prosjeku desetak priloga, informacija i razgovora prosječnog trajanja oko 5 minuta, a što zajedno sa muzičkim sadržajima i zabavno-edukativnim rubrikama čini programsku cjelinu trajanja oko tri sata.

Od sadržaja koji se svakodnevno emituju u produkciji Redakcije informativno-političkog programa, na teme o dnevno-političkim dešavanjima, otpada oko 60 posto, edukativno-dokumentarni sadržaji zastupljeni su sa oko 20 posto, dok se na realizaciju ostalih tema troši oko 20 posto ukupnog dnevnog informativnog programa.

Na proizvodnji ovolike količine sadržaja svakodnevno je bilo angažovano šest novinara i dva urednika. Kada je riječ o zoni koju informativno prati ova redakcija, 90 posto je to prostor cijelog Brčko distrikta, dok je preostalih 10 posto rezervisano za praćenje aktualnosti iz okruženja, zemlje, regiona i svijeta.

Treba napomenuti da, u pogledu informisanja javnosti, „Radio Brčko“, pored informativno-političkog programa, emituje još kulturno-zabavne i promotivne sadržaje koji popunjavaju skoro podjednak broj sati dnevnog programa. Više pojedinosti o realizaciji tih sadržaja predstavljeno je u izvještaju Redakcije kulturno-zabavnog programa.

## **IZVJEŠTAJ O REALIZACIJI KULTURNO-ZABAVNIH SADRŽAJA**

Tokom 2017. godine u okviru Redakcije kulturno-zabavnog programa realizovani su svi sadržaji predviđeni zimskom odnosno ljetnom programskom šemom. Takođe, pored predviđenih i planiranih sadržaja koji su rađeni u produkciji radija, zabilježen je i, predstavljen u programu, veliki broj manifestacija i sadržaja kulturno-zabavnog karaktera koje je organizovala Vlada Brčko distrikta.

Što se tiče programske šeme u oblasti kulturno - zabavnog programa kontinuirano je realizovano 12 (dvanaest) različitih emisija sedmično.

Jutarnji program od ponedjeljka do petka temeljio se na zabavnim kolažnim sadržajima koji su bili otvoreni za pozive slušalaca. Navedeni sadržaji traju po 45 minuta dnevno.

Takođe, tri puta sedmično, u terminu od 10.20 sati emitovani su zabavni sadržaji, prije svega za žene, pod nazivom „Praktična žena“. Utorkom i četvrtkom u tom terminu slušaoci su mogli pratiti i aktivno, pozivima, učestvovati u zabavnom sadržaju „Recept dana“. Tokom ljetnih mjeseci namjenski su uvedeni sadržaji pod imenom „Radio u hladu“ i „Taj zanimljivi svijet“ u sklopu kojih su slušaoci svakih sat vremena imali priliku da saznaju zanimljive sadržaje iz cijelog svijeta i raznih životnih oblasti. Prezentovane su isključivo zabavne i edukativne informacije.

U drugom dijelu dana emisije iz sfere kulturno-zabavnog programa su emitovane u terminu od 17 sati i to četvrtkom emisija „Moj talent“ koja pruža priliku za predstavljanje talentovane djece i pojedinaca u trajanju od 30 minuta. Petkom od 17 sati se realizuje emisija „Kulturni mozaik“ u trajanju od 30 minuta.

Osim pomenutih sadržaja koji se realizuju u produkciji radija, tokom ove godine propraćeni su i slušaocima prezentovani, posebni tematski kulturno-zabavni sadržaji u kojima su promovisane manifestacije koje organizuje Vlada Brčko distrikta. Tu posebno izdvajamo praćenje i realizaciju sadržaja i emisija o manifestacijama: „Proljeće u gradu“, „Savski cvijet“, „Susreti pozorišta“ i slično.

U realizaciju sadržaja iz oblasti kulturno-zabavnog programa uključeni su novinari, voditelji i tonski realizatori zajedno sa urednicima programa.

## **IZVJEŠTAJ O REALIZACIJI SADRŽAJA NA INTERNETSKOJ STRANICI RADIJA**

Internetska stranica Radija Brčko u 2017. godini zabilježila je značajno povećanje broja pregleda čitalaca u odnosu na raniji period. Razlog tome se može vidjeti u činjenici da je za administraciju stranice, sistematizacijom isplanirana i stalno zaposlena jedna osoba. „Radio Brčko“ na svojoj internetskoj stranici svakodnevno objavljuje u prosjeku oko deset (10) informacija o dešavanjima na području Brčko distrikta BiH, te oko dvadeset (20) informacija iz zemlje i svijeta. Domaće vijesti su uglavnom iz vlastite produkcije dok su se vijesti iz zemlje i svijeta preuzimale sa novinske agencije SRNA sa kojom je ugovor o saradnji istekao zaključno sa 31.12.2017. godine, te sa ostalih internetskih portala, uz obavezno navođenje izvora informacija. Napomenimo i to da uprkos raskidu ugovora, SRNA još uvijek nije blokirala pristup radiju za preuzimanje informacija.

Zbog popularnosti internetske stranice evidentno je i veće zanimanje potencijalnih komintenata za oglašavanje putem tog medija.

Tekstovi objavljeni na našem internetskom portalu svakodnevno se dijele i putem društvene mreže „Fejsbuk“, te se na taj način povećava posjećenost samoj internetskoj stranici.

Prosječna posjećenost internetskoj stranici „Radija Brčko“, prema statistikama koje bilježi platforma stranice, je oko 30.000 dnevnih pregleda od oko 10.000 različitih posjetilaca. Najviše posjeta se ostvaruje sa mobilnih telefona (oko 60 posto), potom stonih računara (oko 30 posto), te tableta (oko 10 posto). Kada je riječ o zemljama iz kojih nam dolaze posjetioci stranice, definitivno ih je najviše iz BiH. Potom slijede: Austrija, Njemačka, SAD, Hrvatska, Srbija, Švajcarska ...

Zbog navedenih podataka, uz pomoć internetske stranice je, u proteklih godinu dana, ostvaren i značajan prihod. Samo ćemo navesti dva primjera gdje su se marketinški ugovori temeljili ponajviše na emitovanju sadržaja baš putem internet portala „Radija Brčko“, a vrijednost tih ugovora je oko 1.000 KM.

Već je dokazano da se najbolji prihod ,ostvaren putem internetske stranice, postiže u vrijeme predizborne kampanje. Najbolji primjer je 2016. godina kada su

mnoge političke partije odlučile, svoje povjerenje, za marketinško predizborno obraćanje dati internetskoj stranici „Radija Brčko“.

„Radio Brčko“ se uključio i u *google-ov* „*AdSense*“ marketinški projekat gdje *google* na naš portal postavlja svoje oglase i, u skladu sa brojem posjeta i precizno postavljenim pravilima, nama plaća oglasni prostor. Za sada to nisu neki posebno veliki iznosi novca koji se na taj način zarade, ali namjera nam je podizati još više posjećenost internetskoj stranici, što automatski donosi i više zarade kroz pomenuti projekat.

## **IZVJEŠTAJ O FINANSIJSKOM POSLOVANJU ZA 2017. GODINU**

JP „Radio Brčko“ d.o.o. Brčko distrikt BiH se, od osnivanja, suočava sa problemom nedostatka sredstava za osnovnu djelatnost zbog čega su se stvorila dugovanja za uplate doprinosa i poreza. Ona su, međutim, uz podršku osnivača, smanjena pa je preneseni dug za doprinose MIO-PIO u 2017. godini sveden na oko 35.000 KM.

Takođe je izmiren dug za komunalne usluge u iznosu oko 16.500,00 KM, zatim stvoren vanredni trošak u vidu sudske presude u iznosu od 36.675,15 KM. Od toga je isplaćeno 15.341,00 KM.

## **BILANS STANJA 2017. GODINE**

### **Stalna sredstva**

Stalna sredstva i dugoročni plasmani i razgraničenja se odnose na opremu čija je bruto vrijednost 100.625,00 KM, pripadajuća ispravka vrijednosti 82.573,00 KM, a iskazana stalna sredstva u neto iznosu od 18.052,00 KM.

### **Tekuća sredstva**

Preduzeće je na dan 31.12.2017. godine iskazalo tekuća sredstva u iznosu od 164.431,00 KM, a sastoje se od gotovine i gotovinskih ekvivalenata koji obuhvataju gotovinu:

- na žiro računu 82.119,40 KM
- na deviznom računu 322,32 KM i
- u glavnoj blagajni 300,00 KM.

### **Kratkoročna potraživanja**

Kratkoročna potraživanja na dan 31.12.2017. godine iskazana su u neto iznosu od **81.590,00 KM** i odnose se na sledeće:

- Potraživanja od „kupci u zemlji“, po osnovu pružanja usluga, iskazana su u iznosu od 74.627,00 KM.
- Ukupna potraživanja starija od godinu dana iskazana su u iznosu od **66.679,34 KM**. Od toga su, potraživanja od kupaca u iznosu **44.986,96 KM** starija od pet godina i, po Zakonu o obligacionim odnosima, propisano je da opšti rok zastare potraživanja iznosi pet godina. To znači da su pomenuta potraživanja od **44.986,96 KM** pala u apsolutnu zastaru, te neće biti naplativa ni sudskim putem.
- Potraživanja koja nisu pala u zastaru u iznosu od **21.692,38 KM**, starija su od godinu dana, a naplativa su sudskim putem

**Druga kratkoročna potraživanja** na dan 31.12.2017. godine iskazana su u iznosu od **6.963,00 KM**, a odnose se na više plaćene doprinose po osnovu: naknada za korištenje šuma u iznosu od **119,72 KM**, PIO RS-a u iznosu od **43,76 KM**, PIO/MIO F BiH u iznosu od **3.975,53 KM** i za zdravstvo u iznosu od **199,10 KM**.

**KAPITAL** u 2017. godini iznosi **41.661 KM** i sastoji se od:

- Osnovni / državni kapital/	5.000,00 KM
- Dobit ranijih godina	221.569,11 KM
- Dobit tekuće godine	41.538,00 KM
- Gubitak iz ranijeg perioda	-226.445,80 KM

**Ukupno** 41.661,31 KM

**Dugoročna rezervisanja** od 20.334 KM predstavljaju obaveze po sudskoj presudi za zakup u zgradi *Soliter* u Brčkom koja je glasila na ukupni iznos od 35.675,15 KM.

**Kratkoročne obaveze iz poslovanja iznose 75.949 KM, a sastoje se od:**

- „Dobavljači u zemlji“ iznose **30.362,00 KM**
- Obaveze po osnovu plata i naknada /doprinos za zapošljavanje/ iz ranijih godina (od 2009.) koje nisu rasknjižavane su **18.387,00 KM**
- Druge obaveze /obaveze prema čl. UO iz ranijih godina / su knjižene, nisu isplaćene, iznose **13.838,00 KM**, a odnose na obaveze iz prethodnih godina
- Obaveze za ostale poreze i druge dažbine u iznosu od **10.115,00 KM**, a sadrže obaveze za **porez na autorski honorar** u iznosu od **3.640,36 KM**, **porez po ugovoru o djelu** u iznosu od **582,53 KM** i **porez na naknade članovima UO** u iznosu od **5.931,82 KM** koji je takođe iz ranijeg perioda.

**Pasivna vremenska razgraničenja /odloženi prihodi iz ranijih godina/** iskazana su u iznosu od **44.541,00 KM**, odnose se na odložene prihode od donacija (grantova) Vlade Brčko distrikta, a ostatak su neutrošenih sredstava na dan 31.12.2017. godine.

<b>BILANS USPJEHA ZA 2017. GODINU</b>			
<b>R/ B</b>	<b>POZICIJA</b>	<b>2017.</b>	<b>2016.</b>
1	Prihodi od prodaje usluga, reklame i emitovanja emisija	91.816 KM	87.534 KM
2	Ostali poslovni prihodi - redovan grant	510.459 KM	370.000 KM
3	<b>UKUPNI PRIHODI za 2017. GODINU</b>	<b>602.275 KM</b>	<b>457.534 KM</b>
1	Troškovi bruto plata i naknada	449.772 KM	354.387 KM
2	Nematerijalni troškovi	38.817 KM	41.538 KM
3	Troškovi poreza	9.946 KM	8.772 KM
4	Materijalni troškovi	6.410 KM	6.786 KM
5	Troškovi amortizacije i rezervisanja	7.757 KM	12.419 KM

6	Troškovi proizvodnih usluga *	7.607 KM	4.553 KM
7	<b>UKUPNI RASHODI</b>	520.309 KM	429.255 KM
	<b>POSLOVNA DOBIT (3-7)</b>	<b>81.966 KM</b>	<b>28.279 KM</b>

\* Troškovi proizvodnih usluga (7.607,00 KM) sadrže:

- troškove održavanja **965,30 KM**
- troškove zakupa *Pink-a* **350,00 X 12 = 5.250,00 KM**
- troškove reklame **1.300,90** /Izbor žena godine iznosi **1.119,69 KM/**
- ostale

### **TEHNIČKA OPREMLJENOST**

Oprema sa kojom radimo je nabavljena prije četiri godine. Kada je kupovana nova programska oprema nije bilo dovoljno sredstava da se zamijeni niti servisira i emisiona oprema. Zbog toga je hitno potrebno nabaviti nove digitalne odašiljače za emisione lokacije Udrigovo na Majeveci i Podarevac u Skakavi Gornjoj. Sa tih lokacija, opet prema pravilima i dozvolama RAK-a, emituje se snagom odašiljača od jedan kilovat. Cijena jednog takvog odašiljača nije manja od 12.000 KM, što znači da je za nabavku dva takva odašiljača potrebno obezbijediti 24.000 KM. Uz to, treba predvidjeti troškove dodatne opreme i demontaže, odnosno montaže, što bi iznos povećalo za dodatnih 5.000 maraka. Postoji potreba za zamjenom računara za novinare jer su, u prethodnom periodu, kupovani polovni i većina njih će, u najskorije vrijeme, biti neupotrabljiva.

### **KADROVSKA PITANJA**

Po planu zapošljavanja za 2017. godinu JP "Radio Brčko" Brčko distrikta BiH, na neodređeno vrijeme, odlaskom novinara u penziju, u septembru mjesecu ostalo je upražnjeno mjesto novinara. Odlaskom, po osnovu godina radnog staža, jednog radnika sa pozicije *Spiker-voditelj*, ostalo je upražnjeno i to radno mjesto, a pomenuta pozicija nije uvedena u plan zapošljavanja za 2017. godinu.

U pregledu upražnjenih radnih mjesta na određeno vrijeme pozicija *Direktora* je provedena po raspisanom Javnom konkursu br. 01-270-17 od



07.07.2017., te Odlukom o imenovanju direktora broj: 01-27UO/17 I 01-318/17 od 16.08.2017. godine.

Provođenje postupka popune upražnjenih radnih mjesta na određeno vrijeme, pozicija *Odgovorni urednik informativno-političkog programa* i pozicija *Odgovorni urednik kulturno- zabavnog programa* je u toku.

Zaposlenih, po povremenim i privremenim poslovima, trenutno nemamo.

## ZAKLJUČAK

Javno preduzeće "Radio Brčko d.o.o Brčko distrikt", 2017. godinu, u odnosu na prethodne godine, završava mnogo uspješnije jer smo riješili veći dio nagomilanih problema.

Prije svega, zahvaljujući, u julu ove godine, usvojenom novom Pravilniku o platama, prvi put nakon 17 godina, radnicima su isplaćene plate u punom iznosu.

Izmirena su sva zaostala dugovanja za penzijsko-invalidsko osiguranja, kao i ostali porezi i doprinosi, te obezbijeđena isplata plata do kraja godine.

Po Revizorskom izvještaju za 2016. godinu koji je zahtijevao dodatno angažovanje, veći dio primjedbi je otklonjen.

Prerevizorski izvještaj za 2017. godinu je značajno bolji za preduzeće. Za veliki dio nedostataka iz Prerevizorskog izvještaja za 2017. godinu, pokrenute su aktivnosti za otklanjanje istih.

direktor

  
Rada Lakić dipl.oec